

## Universitätsbibliothek Paderborn

**Disputationum// Roberti Bel-/Iarmini Politiani,// Societatis  
Iesv// De Controversiis// Christianae Fidei, Adver-/sus  
huius temporis Haereticos,// Tomus ...**

De Sacramento Evcharistiæ - Sex Libris Explicata

**Bellarmino, Roberto Francesco Romolo <Heiliger>**

**Ingolstadii, [1589]**

**VD16 B 1603**

IX. Soluitur obiectio deprompta ab inutilitate realis præsentia.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

At quænām est ista consequentia? Marcus Hæretarchus Magus præstigijs cruorem in calice apparere faciebat; ergo Gregorius vir sanctissimus, S. Bernardus, S. Antonius, &c. quos sanctos fuisse etiam hæretici confidentur, non nūl præstigijs miracula circa Eucharistiam fecerunt. Sanè si ita esse argumentari, poterimus etiam hoc modo colligere; Magus Pharaonis per incantationes, conuertebant virgas in dracnes, & aquam in sanguinem; ergo & Moyses cum simili faciebat, per incantationes faciebat: & breniter omnia miracula Christi, & Apostolorum calumniari possemus.

Dico SECUNDО, responsonem Petri Martyris vicinorum aptari posse ad miracula, quæ sunt, cùm exterius in Eucharistia apparet caro, vel aliquid eiusmodi; at nullo modo apparet posse ad ea miracula, quæ consistunt in interitu hominum, est tertium & septimum à nobis recitatum: illæ enim veritas mortes fuerunt, non simulatae, ac fictæ.

Dico POSTREMO, in hoc mysterio maximè locum habet dilemma Augustini lib. 22. de ciuit. Dei, cap. 5. Nam autem Etia sunt miracula ad hoc mysterium confirmandum, aut non sunt facta. Si facta sunt, credamus igitur, quod tot miracula confirmatum est. Si non sunt facta, hoc ipsum est summum miraculum, quod sine miraculis res tam difficilis credi potuerit à tot Philosophis, atq; à toto orbe terrarum. Nam sententia aduersariorum, quæ facillima est, non est mirum, absq; ullis miraculis admittatur: nostram autem sententiam, quæ non modò cum sensibus, sed etiam cum ratione pugnat, revidetur, quis credat tantæ multitudini, sine multis, magnisque miraculis persuaderi potuisse, nisi vt dixi, hoc ipsum summum miraculum esse dicatur?

### CAPUT NONUM.

*Solutur obiectio deprompta ab inutilitate reali praesentiae.*

**D**UAE sunt, ut suprà diximus, obiectiones aduersariorum. PRIMA est eiusmodi: Deus nihil fructu vera corporis Domini præsentia, eum satisfiat. Eam illic habeamus in signo. PRIMO, quia finis, ac fructus Eucharistiae est, nutrire animas. Non minus autem numerus

animas Christus in symbolo existens, quām reipsa delitescens in pane. Animæ enim nutritur fide, & charitate: fides autem, & charitas tām bene possunt complecti Christum in cœlo, quām in Eucharistia. Caluinus lib. 4. Instit. cap. 17. §. 32. Fidem, inquit, nos ista, quām enarravimus, corporis participatione, non minus laute, affluenterq; pascimus, quām qui ipsum Christum ē cœlo detrahunt. Similia habet Petrus Martyr lib. contra Gardinerum, obiecto 52. & 60. vbi etiam addit Scripturæ testimonium. Nam Ioan. 16. Dominus ait Apostolis: *Expedit vobis, vt ego vadam: Si enim non absero, Paracletus non veniet ad vos.* Non erat igitur utilis Apostolis corporalis Christi præsentia, alioqui expediuit ipsum manere cum eis, nō autem ab eis recedere. At non potest esse utilior corporalis Christi præsentia in Eucharistia, quām esset illa eadem cum Apostolis manifesta, & visibilis: igitur si illa inutilis erat post certum quoddam tempus, quanto magis ista inutilis erit?

**S E C V N D O,** Baptismus confert gratiam, regenerat animam, ac proinde vitam spiritualem confert, licet non transmutetur aqua in Christum, vel Spiritum sanctum, sed vera & sola aqua maneat, vt antea erat: cur ergo non poterit Eucharistia conferre gratiam, & vitam iam acceptam conseruare, & augere, etiamsi non mutetur panis in carnem, sed verus & solus panis maneat, vt antea erat?

**T E R T I O,** ista præsentia Christi inuisibilis est, immò nullo sensu, ac ne ipsa quidem mente perceptibilis, nisi per fidem. At fides non egebat ista præsentia, vt Christum apprehendere posset: nihil igitur confert præsentia ista Christi in Eucharistia.

**Q U A R T O,** qui sola fide in symbolo Christum recipiunt, fructū passionis Domini sine dubio consequuntur: qui Christum re ipsa in Eucharistia sine fide percipiunt, nullum fructum consequuntur.

**Q V I N T O,** argumentatur Caluinus contra VVestphalum: *Ista præsentia realis plus incommodi, quām commodi ad fert: nam facit, vt corpus Christi sit commune piis, & impiis, quod certe incommodum est non leue. Et praterea breuissimo tempore nobis adest, nimurum quandiu species illa conseruantur; quod exiguum commodum est: igitur inutilis est ea præsentia.* RESPONDEO, ista argumenta leuissima sunt. Ad PRIMVM negari potest consequētia, & antecedens. Consequentia enim

illa si quid probat, solùm probat, non fuisse necessarium  
solutè, vt in Sacramento re ipsa corpus Domini ponereatur;  
non probat nō fuisse vrile, vel frustra ponit. Id enim omne via  
est, & non frustrà sit, per quod nobis aliquid boni conser-  
licet illud ipsum alia via conferri potuisset. Id verò mani-  
colligitur ex multis similibus. Nam eodem modo argumen-  
tari possemus in mysterio Incarnationis: Poterat Deus in  
Incarnatione Filij nos liberare; frustra igitur Deus homo  
estus est. Item poterat Christus homo, per quodcunque op-  
bonum nobis reconciliationem apud Patrem meret; fru-  
igitur labores, & dolores sustinuit. Item poterat una sangu-  
inis gutta nos redimere; quorsum igitur tot ludibria, verbis  
vulnera, & sanguinis tortius effusio? Item poterat sine deca-  
su ad Inferos sanctos Patres inde eruere, Dæmones aliqui  
aliaq; id genus operari solo imperio; quorsum igitur illa  
scenio? Deniq; poterant ægroti sola fide in Christum fave-  
re sine contactu manuum, vel fimbriæ eius; quorsum igitur  
minus manus imponebat? quorsum illi tanto studio ad  
briam accurrebant? Atque id genus infinita exempla posse  
adferre. Sic igitur non sequitur frustra corpus Domini  
in Eucharistia exhiberi, etiam si eundem fructum ex solo fe-  
bolo per fidem recipere possemus.

**D**E INDE nego eundem fructum recipi ex solo symbo-  
per fidem. Nam PRIMVM magis excitatur fides, charitas, pa-  
uotio, pietas, reverentia, cùm cogitamus re ipsa nobis  
vniri Christum, quām si solum in cœlo eum sedere credamus.  
Et hoc experimentum ipsum abundè testatur: longè can-  
aliter afficiuntur pij fideles erga venerabile Sacramen-  
tum erga imagines Salvatoris, quæ sunt mera Christi sim-  
bola. **D**E INDE Christus ipse dum nobis re ipsa coniungit  
multa nobis largitur, quæ non largiretur sine ista comu-  
tatione, etiam si possit. Quemadmodum omnes, quos cur-  
tangebant eum, curabat ab omnibus languoribus, quos cur-  
non curasset, nisi cum tetigissent; vt infinitos alios, qui cur-  
non tangebant, non curabat: & tamen quis negat porro  
eum sine illo contactu omnes curare? Sæpe etiam Principes  
carceres inuisant, multos liberant, quos alioquin non libera-  
sent, tametsi possent solo imperio omnes liberare sine carceris visitatione.

Ad locum Euangeli dantur à Patribus due expositiones

neutra nobis aduersatur. VNA est Augustini tract. 94. in Ioan. & Bernardi sermon. 3. de ascensione Domini, qui dicunt Apostolos allectos dulcissima Christi consuetudine amasse illum humano quodam amore, dum is in terris degeret: sed oportuisse eos abstrahi, & quasi ablaetari ab humana illa consolatione, vt ad amorem spiritualem Christi prouocherentur. Quæ expositio nostræ sententiæ non aduersatur, quia præsentia Christi in Eucharistia cùm sit inuisibilis, non conciliat amorem humanum (nec enim illum videmus, aut audimus, aut cum eo versamur, vt Apostoli faciebant) sed planè diuinum, & spiritualem: quare præsentia ista solùm prodeße, non autem obesse vlo modo potest.

ALTERA expositio est Græcorum, Cyrilli lib. 10. in Ioan. cap. 32. & Theophylacti in cap. 16. Ioan. qui dicunt expediuisse, vt Christus recederet, non quia præsentia eius corporalis vñquam possit esse inutilis, sed quia vtilior erat Apostolis & nobis omnibus, eius recessus per mortem, & ascensionem in cœlum, quām conuersatio illa in terris. Deus enim constituerat non mittere Spiritum sanctum, nisi prius sacrificium crucis perageretur, & nisi dispensatio Christi per eius Ascensionem completeretur. Itaque non impediebat aduentum Spiritus sancti præsentia corporalis Christi, sed impediebat decretum illud Dei, quo statuerat, vt mors, & ascensio Christi præcederent.

Ad SECUNDVM argumentum concedo, potuisse Deum, per Sacramentum Eucharistiae etiam sine reali præsentia corporis Domini conseruare, & augere in nobis vitam spiritualem in Baptismo acquisitam; sed non idèo inutilis est ea præsentia. Nam etiam potuisset Deus sine symbolis aquæ, & panis, id est, sine Sacrementis sensibilibus, Baptismi & Eucharistiae eandem nobis gratiam conferre, quam per ea symbola confert: & tamen non dicunt aduersarij inutilia esse symbola externa aquæ, & panis.

ADDE, quod non est eadem ratio Baptismi, & Eucharistie. Nam Baptismus nihil est aliud, nisi Sacramentum regenerationis: Eucharistia autem non est solum Sacramentum refectionis, seu mutationis, sed præterea est memoriale omnium miraculorum, & quasi compendium vite, passionis, & resurrectionis Domini, iuxta illud Psal. 110. *Memoriam fecit mirabilium suorum misericors, & miserator Dominus, escam dedit*

timentibus se. Quare debuit esse res plena miraculo, non tem simplex aliquod symbolum, ut non esset inferior, sed superior Mannę Iudæorum, quod similiter fuit memorialem rabilium, quae in deserto Hebræis contigerunt. DEINDE testimonium, & quasi pignus amoris Christi ergo sponsa suam Ecclesiam: & ideo sicut amor ille est infinitus, & potestia ipsius Christi est infinita, ita debuit hoc pignus super mundum esse mirabile. De qua re multa præclara existant apud Chrysostomum, homil. 24. in priorem ad Corinthios & aliis. TERTIO est causa, & quasi femen resurrectionis corporis nostrorum, idque per contactum, & coiunctionem corporis gloriose cum corporibus nostris mortalibus, ut supra citato, Hilario, Cyrillo, aliisque Patribus demonstratum. DENIQUE est sacrificium religionis Christiane (velint acutus heretici) & quia sacrificium Christianorum impletum est debuit figurarum veterum, & proinde præstantius sacrificium in omnibus Hebreorum, non potuit in solo pane, & vino constitui, quæ sunt longè inferiora vitulis & arietibus, sed necc fuit ipsum verum Domini corpus in hoc sacrificio continere. Vt eo modo veritas imagini, & exemplar figure, & corporis vestrae quam aptissimè responderet.

Ad TERTIVM nego, corpus Domini in Eucharistia non percipi, nisi fide. Nam etiam si in propria specie, & immelior non attingitur ab ullo sensu, nec ab ipsa mente, nisi per fidem tamē in specie aliena, & mediata attingitur oculis, manibus lingua, & ipso etiam pectore. Quomodo etiam interdum luberrima pharmaca ita inuoluta dantur ægrotis in variis tegumentis, vt nullo sensu immediate percipientur, & tamen quia ipsa reuera ad stomachum penetrant, utilissima sunt.

Ad QVARTVM concedo, sola fide sine reali præsentia corpus Domini apprehensum prædeste; & contra solo corporis per realem præsentiam acceptum nihil prædeste: sed nego ut de sequi, realem præsentiam, & corporalem perceptionem inutile esse. Nam etiam si ista sine fide non profundit, & fides sine ipsis prædest: magis tamen prædest fides cum ipsis, quam sine ipsis. Quemadmodum opera bona sine fide non profundit, fides autem sine operibus prædest, cùm quis videlicet ab operibus legitimè impeditur. Et tamen plus profundit opera bona cum fide, quam sola fides: & B. Mariæ nihil profundit. Chistum corpore concipere, & parere, nisi etiam mēte per fidem.

& charitatem eundē concepisset: & contrā multum profuisse  
sola mente concipere, licet eundem corpore non conce-  
pisset. Et tamen quis dicere auderet, non magis ei profuisse  
mente & corpore Christum, quād sola mente concipere?

Ad VLTIMVM dico, nullum incommodum, sed maximum  
commodum consequi ex reali præsentia: nam non læditur  
corpus Domini ex eo, quod impiis communicatur, & in eo de-  
monstratur summa Dei charitas. Quamvis autem breui tem-  
pore intra nos Dominū habeamus, tamen breui illo tempore  
maxima dona nobis largitur; alioqui etiā breui tempore tan-  
gebant simbriam Christi multi ægroti, qui tamen ex eo con-  
tactu curabantur.

### CAPUT DECIMVM.

*Soluitur altera obiectio, quæ sumitur ab indigni-  
tate rei.*

**L**TERA, eaq; postrema hæretorum obiectio ab  
indignitate rei sumitur. Sribit enim Caluinus  
lib.4.Instit.cap.17.§.32.absurda oportere reiicere,  
quæ cœlesti Christi maiestate indigna sunt. Quæ  
autem illa sint absurdā, ipse eo loco non dicit; sed ab aliis ista  
ferè enumerari solēt; quod oportebit concedere Christum in  
terram cadere, dentibus atteri, in ventrem, & in secessum ire,  
à muribus corrodi, vel etiam deuorari, putrescere, vel acesce-  
re, denique etiam cremari. Quæ omnia, & nunc ab hæreticis  
obiiciuntur, & olim à Berengarianis obiiciebantur, vt patet  
ex Guitmundo, lib.2. & ex Algero, lib.2. cap.1.

**S**ED respondemus, quod ad similia obiecta veteres Patres  
maiores nostri responderunt. Neque enim solūm hoc myste-  
rium, sed omnia ferè alia Iudæi, pagani, hæretici tanquam in-  
digna, & stulta irriserunt: de quibus AVGVSTINVS in epist.  
49.ad Deogratias, quæst.6. In ipsum, inquit, Christum non cre-  
deremus, si fides Christiana a cachinnum metueret paganorum.

Ac PRIMVM apud Iudæos Saducæi ipsi Christo questionem  
ridiculam proponere ausi sunt contra resurrectionem, vt ex  
absurditate, quæ inde sequebatur, concluderent, nullam fu-  
turam esse corporum resurrectionem. Videtur enim sequi, vt  
si mulier aliqua hīc habuerit septem viros per mortem sibi  
inuicem succedentes, in altera vita, aut pro vxore litigent, aut  
una sit vxor septem virorum simul. Eodem modo Marcionistæ